

鞏縣志卷之十六

鞏縣知縣李述武纂修

古蹟志下

陵墓

宋宣祖安陵〔東都事畧〕建隆元年三月有司上皇考武清府君謚曰昭武皇帝廟號宣祖陵曰安陵〔宋史禮志〕安陵在京城東南隅乾德初改卜河南府鞏縣西南四十里訾鄉鄧封村以司徒范質爲改卜安陵使學士竇儼禮儀使中丞劉溫叟儀仗使樞密直學士薛居正鹵簿使太宗時尹開封爲橋道頓遞使質尋免相以太宗兼轄五使事修奉陵寢

皇堂下深五十尺高三十九丈陵臺三層正方下層每面長九十尺南神門至乳臺至鵲臺皆九十五步乳臺高二十五鵲臺增四尺神墻高九尺五寸環四百六十步各置門神角闕〔東都事畧〕宣祖昭憲皇后杜氏建隆二年崩謚曰明憲葬安陵〔文獻通考〕安陵陪葬子孫一百二十一墳〔施府志〕太祖父宣祖周廣順末鐵騎第一軍復轉右廂指揮今鞏人猶呼永安陵爲指揮陵在鞏縣西南牛山北麓與太祖陵相去里餘

宋太祖永陵〔東都事畧〕開寶九年十月癸丑帝崩於萬歲殿明年四月乙卯葬永昌陵〔宋史禮志〕陵在鞏縣祔宣

祖孝章皇后宋氏至道元年四月崩六月上謚曰孝章皇后以歲忌權攢於趙村沙台三年正月祔葬永昌陵之北皇堂靈臺並如孝明園陵制度〔文獻通考〕永昌陵陪葬子孫一十五墳〔施府志〕宋時皇后如宣祖昭憲杜氏合祔安陵爲行前代之禮而太祖之孝明孝惠二后一葬宣祖安陵西北一葬安陵之北孝章宋后亦不同兆域太宗皇后尙有葬安陵西北者章憲明肅劉后亦葬眞宗永定陵西北隅當時禮官不主祔葬茲惟采孝章宋后祔葬者附著永昌陵下其孝惠賀后孝明王后別陪葬者例爲另列宋代帝陵之後以古蹟中有一陵則有一地也餘併同

宋太宗永熙陵〔東都事畧〕至道三年三月癸巳帝崩於萬歲殿十月己酉葬永熙陵明德皇后李氏祔葬永熙陵元德皇后李氏以眞宗生母祔葬永熙陵

〔宋史禮志〕永熙陵皇堂深百尺方廣八十尺靈臺方二百五十尺置衛士五百人於陵〔文獻通考〕元德皇后以至道三年十月追尊先殯於普安禪院咸平元年議改卜園陵二年命使按行園陵地議立陵名禮官言周顯德末都省集議故事帝后同陵謂之合葬同塋謂之祔葬漢呂氏陵在長陵西百餘步以同塋兆而無名號又唐穆宗二后王氏生敬宗蕭氏生文宗並祔先陵之側今園陵鵲臺在永熙陵封地

之內恐不須別建陵號從之又永熙陵陪葬子孫八墳一施府志一昌陵在安陵西里餘熙陵在昌陵西里餘三陵俱在牛山北麓永安縣羅水之南

宋眞宗永定陵一東都事畧一乾興元年二月戊午帝崩於延慶殿冬十月己酉葬永定陵 宋史禮志山陵按行使藍繼宗言據司天監定永安縣東北六里曰臥龍岡堪庇山陵詔雷允恭覆按以聞皇堂之制深八十一尺方百四十尺制陵名曰永定章獻明肅皇后劉氏明道二年三月崩於寶慈殿司天監詳定山陵制度皇堂深五十七尺神墻高七尺五寸四面各長六十五步乳臺高一丈九尺至南神門四十五步

鵲臺高二丈三尺至乳臺四十五步十月五日葬永定陵之西北隅章惠皇后楊氏明道三年十二月崩四年二月葬永定陵之西北隅一宋后妃傳一李宸妃生仁宗章獻以爲己子仁宗不自知爲妃所出也明道元年薨章獻太后欲以宮人禮治喪丞相呂夷簡奏太后倘念劉氏則喪禮宜從厚太后悟夷簡請用一品禮殯洪福院夷簡又謂都知羅崇勳曰宸妃當以后服殮用水銀實棺異時勿謂夷簡未嘗道及崇勳如其言後章獻太后崩燕王爲仁宗言陛下乃李宸妃所生死於非命仁宗號慟尊妃爲皇太后謚曰莊懿幸洪福寺祭告易梓宮親往視之妃玉色如生冠服如皇太后以水銀

養之故不壞仁宗嘆曰人言其可信哉遇劉氏益厚陪葬永定陵慶歷中改謚章懿（丁謂傳）謂爲山陵使雷允恭爲都監輿判司天邢中和擅易皇堂地衆議喧騰謂庇允恭依違不決詔王曾馮拯曹利用等覆視咸云應用舊地遂誅允恭貶謂崖州司戶籍其家（文獻通考）始丁謂請陵名曰鎮陵及謂貶馮拯謂三陵皆有永字故易曰永定陵然永安乃縣名也宣祖陵止曰安陵又不知翼祖已名定陵於是復追翼祖爲靖陵議者譏拯不學當時無正之者 施府志營定陵時徐仁旺奏用牛頭山前丁謂定用山後爭之不可旺表曰山後之害坤水長流災在丙午年內丁風直射禍當丁

未年終其言卒驗今眞宗陵在西青龍山西北與牛山陵中隔羅水而徐丁所爭牛頭山前後者乃青龍西北別起一小山狀類牛頭而得名非太祖陵南之牛山也當時亦曰臥龍岡據史丁謂置皇堂土石相半繼之以水王曾奏丁謂包藏禍心置皇堂於絕地太后怒丁謂貶死當時已不用丁謂所定皇堂矣然今眞宗陵南高北下退就卑濕猶是丁謂山後之議也意丁謂所用更在北以王曾奏乃稍移就南耳至通考譏馮拯易名定陵與翼祖陵本名同良非但謂永安爲縣名宣祖陵止名安陵無永安之稱殊不然永安名縣乃因陵而名宋代諸陵皆有永字其稱之也或曰永某陵或但曰某

陵非宣祖陵無永安之稱也又眞宗三后潘后葬永昌陵側郭后葬永熙陵西北故惟劉后祔葬定陵又楊后仁宗尊爲皇太后亦祔葬定陵李宸妃常從守定陵乃殯洪福院太后崩仁宗知爲宸妃所生尊爲皇太后陪葬定陵西俗呼呂道姑陵者恐是呂李聲譌卽李宸妃陪葬處也

宋仁宗永昭陵〔東都事畧〕嘉祐八年辛未帝崩於福寧殿冬十月甲午葬永昭陵〔韓忠獻遺事〕仁宗永昭陵葬且有日忽傳皇堂棟損時諸使皆欲不聞而掩之韓公琦正色曰不可果損當易之若違葬期侈所費此責猶可當若苟且掩之後有壞而致人主疑心臣下何以當責〔宋史禮志〕

慈聖光獻皇后曹氏元豐二年十月崩於慶壽宮命韓績爲山陵按行使績言永昭陵北稍西地貳百六十步內方六十五步可爲山陵上以迫隘詔增十步三月十日葬永昭陵〔施府志〕范純禮知永安縣永昭陵在其境內初建時配木石磚甃及工徒於一路獨永安不受令請於山陵使韓琦曰歲時繕治無虛日願勿與諸縣均賦琦是其言而名勝志則以爲修曹后陵范公與曾魯公力爭與史不同蓋據過庭錄所傳也且又以永安爲今永寧宋陵多在焉大謬

宋英宗永厚陵〔東都事畧〕治平四年春正月帝崩於福寧殿八月癸酉葬永厚陵〔文獻通考〕英宗崩遺詔山陵務

從省約所歷郡縣無科率煩民八月葬厚陵禮如舊制 一
演繁露 一 溫公日記記英廟山陵舊制曰山陵皇堂壘石爲
壁積材木於上以卷石覆之神宗以材木有時而朽則卷石
必墜於梓宮不便更令就地爲石槨以藏梓宮總管張若水
恐穿地或墮陷四壁乃請於平地壘石爲槨及後山陵復土
梓宮入降隧道升石槨西首御夷牀不及地一尺而止俟已
時一刻乃下仍於其上布方木及蓋條石乃設御座於蓋下
闔石門出築合隧道按此則是神宗慮木久遠必朽朽必壓
故專令卷石爲槨起自地上石既四周捲起交相鉤鬪永不
壓壞最爲堅耐神宗雖有此旨若水董役不敢廢弛舊制故

卷石之上仍鋪蓋木設使蓋木朽壞而其下自有卷石承之
殆無害也 一 宋史禮志 一 英宗宣仁聖烈皇后高氏哲宗元
祐八年九月三日崩於崇慶宮詔園陵依慈聖光獻太皇太
后之制紹聖元年四月一日葬永厚陵 一 施府志 一 仁宗英
宗二陵俱在青龍山北孝義保英宗陵東去仁宗陵一里許
宋神宗永裕陵 一 東都事畧 一 元豐八年三月戊戌帝崩於福
寧殿冬十月乙酉葬永裕陵 一 宋史禮志 一 紹聖四年太史
請遷去永裕陵 山民冢一千三百餘以便國音帝曰遷墓
得無擾乎若無所害則令無遷果不便國音當給官錢以資
葬費神宗欽聖憲肅皇后向氏建中靖國元年正月十三日

崩太常寺言大行皇太后山陵一行法物宜依元豐二年慈聖光獻皇后故事皇堂之制下深六十九尺面方二丈五尺石地穴深一丈明高二丈二尺鵲臺二各高四十一尺乳臺二各高二丈七尺神墻高一丈三尺五月六日葬永裕陵〔后妃傳〕欽成朱皇后生哲宗宗寧元年二月薨追冊爲皇后陪葬永裕陵欽慈陳皇后生徽宗帝崩守陵殿未幾薨建中靖國元年追冊爲皇太后陪葬永裕陵

宋哲宗永泰陵〔東都事畧〕元符三年正月己卯帝崩於福甯殿七月壬寅葬永泰陵昭懷皇后劉氏政和元年崩陪葬永泰陵〔宋史禮志〕哲宗崩徽宗即位詔山陵制度並如

元豐〔施府志〕神宗哲宗二陵俱在九山東北麓二陵相去一里許 又按中興記建炎元年五月一日大赦天下詔永安軍祖宗寢西京應天禪院會聖宮影殿西墳可差西京留守及臺官一員日下前去躬親省視如合修奉去處一面措置仍密具奏聞南墳委汝州守臣依此〔演繁露〕宗子自祔葬山陵之外又有南墳西墳

宋欽宗陵〔朝野雜記〕欽宗之喪舉哀於天章閣南以學士院爲几筵殿上陵名曰永獻暨乾道中朝廷遣使求陵寢地金人許以遷奉且併歸靖康梓宮朝廷難之金人乃以禮陪葬於鞏縣云〔文獻通考〕金人徙葬欽宗於鞏原而荆襄

謀報乃謂金以十萬騎奉還陵寢以來中外洶洶邊塞咸請增戍後卒無事〔綱目續編〕乾道七年金葬欽宗於鞏洛之原〔節錄施府志〕按鞏縣志辨鞏縣有欽宗陵無徽宗陵固非無據但欽宗爲金人所葬鞏欽宗陵今亦無可考傳聞是否猶不可知輟耕錄載楊髡發紹興諸陵之時言徽欽葬五國城數遣使祈請於今凡六七年而後許至是被發掘徽欽二陵皆空無一物徽陵有朽木一段欽陵有木燈檠一枚而已蓋當時亦料其眞僞不可知不欲逆詐亦以慰一時之人心耳而二帝遺骸浮沉沙漠初未嘗返也又孫暘曰徽欽二帝陵在高麗地方二陵大如山高麗人皆知爲二帝陵其寔矣

按舊志昌陵熙陵定陵昭陵外陵墓多有堙沒乾隆八年洛陽縣知縣龔松林署縣事勘得土民冒墾地二頃詳奉撫中丞碩振飭清還陵壩知縣邱軒昂蒞任後竭力清釐詳奉豁糧仍裁立陵界後之官斯土者豫留意焉

宋太祖賀后陵〔車都事畧〕太祖孝惠皇后賀氏周顯德五年崩葬安陵之西北〔宋史禮志〕乾德元年十二月時議改卜安陵於鞏並以二后孝明孝惠陪葬焉四月九日葬孝惠於安陵之西北

宋太祖王后陵〔宋史禮志〕改卜安陵於鞏並葬孝明王后

於安陵之北

宋太宗尹后陵〔東都事略〕太宗淑德皇后尹氏早崩葬於孝明陵之西北

宋太宗符后陵〔東都事略〕太宗懿德皇后符氏葬於安陵之西北

宋眞宗潘后陵〔宋史后妃傳〕眞宗章懷潘皇后端拱二年五月薨葬於永昌陵側陵名保泰

宋眞宗郭后陵〔宋史后妃傳〕眞宗章穆郭皇后景德四年崩葬於永熙陵之西北

宋徽宗王后陵〔東都事畧〕顯恭皇后王氏徽宗即位册爲

皇后生欽宗崩葬永裕陵之次〔施府志〕按東都事畧徽宗王后初謚靖和改謚惠恭又改顯恭徽宗明達皇后劉氏陪葬惠恭皇后園明節皇后劉氏與明達並園立祠如是則徽宗三后俱祔神宗陵矣

以上陵

漢轅生墓〔隸釋〕漢有兩轅良一爲轅生後生隱嵩洛山中及良貴顯修先人墓

按舊志有原良墓不詳何代人原良於鞏且取以名里矣恐原轅聲近而訛即隸釋所謂轅良者也但隱嵩洛山者乃轅生良其後人來修祖父墓者後人遂以修墓故名其與墓

漢岑彭墓〔後漢書本傳〕彭征蜀所營地名彭亡聞而惡之

欲徙會日暮蜀刺客詐爲亡奴降夜刺殺彭彭首破荆門長
驅武陽持軍整齊秋毫無犯邛穀王任信聞彭威信數千里
迎降會彭已薨帝盡以任所貢獻賜彭妻子謚曰莊侯 〔
施府志〕按舊志鞏有岑彭溝彭墓在焉存之以俟博考
漢三田冢〔李通志〕冢在鞏縣西有三冢相傳葬田眞田廣
田慶

晉潘茈墓〔水經注〕羅水又西北逕潘岳子父墓前有碑岳
父茈瑯琊太守

晉潘岳墓〔水經注〕岳碑題云給事黃門侍郎潘君之碑碑
云君遇孫秀之難闔門受禍故門生感覆醢以增慟乃樹碑

以記事太常潘尼之詞也

按舊志載鞏有黃霸墓在芝田羅水畔考霸陽夏
人卒葬考城見輿地記舊志或因潘墓而誤耳

北齊小平津古冢〔三齊典略〕齊王澄以舟師還次小平津

津岸古冢崩有銘令更葬之 銘見金石錄

唐杜甫墓〔溫公詩話〕杜甫終於來陽藁葬之至元和其孫
始改葬於鞏〔施府志〕偃志據元微之撰墓銘以工部墓
爲在首陽山前當陽侯之墓次而鞏縣康家店邨山上有工
部墓志以爲始葬偃而復遷鞏今考微之作墓志時乃途次
荆楚據譜謂當葬當陽侯墓次其實歸葬於鞏不葬於偃也

又冢旁有二冢一
宗□墓一宗武墓

宋遂國公墓〔李通志〕墓在鞏縣西南

舊志在羅口保

太宗孫謚昭裕

〔金石考〕皇從姪衛州防禦使遂國公墓銘嘉祐五年歐陽修撰

宋高密侯墓〔李通志〕墓在鞏縣西南

舊志在羅口保

太宗曾孫

〔金石考〕高密侯葬河南永安縣修爲撰銘〔施府志〕按金石考據歐陽集載皇從姪筠州團練使安陸侯康州刺史高密侯右監門衛將軍廣平侯皇從孫監門衛將軍右屯衛大將軍武當侯右監門衛將軍夫人周氏右監門衛將軍夫人金堂縣君錢氏武昌縣君郭氏東陽縣君鄭氏俱葬河南永安縣修各爲撰銘今其墓俱不可確指錄之以備叅稽

宋吳王顥墓〔東都事畧〕英宗次子吳王顥薨年四十七哲宗哭之慟成服苑中贈尙書令兼中書令謚曰榮顥薨之五日以月朔應視朝於文德殿哲宗以顥未成服改視垂拱云顥通經史工飛白書善鼓琴神宗臨御久友愛彌篤哲宗尊禮尤隆旣薨葬於永厚陵之北徽宗卽位追封吳王

宋華陰侯仲連墓〔司馬光撰墓誌〕葬永安縣

宋右屯衛大將軍令邦墓〔司馬光撰墓誌〕葬永安縣

宋皇從姪右屯衛大將軍士虬墓〔司馬光撰墓誌〕葬永安

縣

宋趙普墓〔東都事畧〕太宗謂近臣趙普國初元勛先帝與

朕最爲舊故能斷大事盡忠國家眞社稷之臣聞其殂謝淒
愴之懷不能自己因出涕左右皆感慟贈尙書令封眞定郡
王謚曰忠獻太宗撰神道碑親書八分書以賜之遣右諫議
大夫范杲揖鴻臚寺卿護喪事葬日設鹵簿鼓吹如式 〔
李通志〕墓在鞏縣西〔舊志〕在西孝義保

宋高懷德墓〔東都事略〕懷德尙宣祖女燕國長公主加駙
馬都尉卒年五十七贈中書令渤海郡王謚曰武穆 〔李
通志〕墓在鞏西南懷德歸德軍節度使〔舊志〕墓在蔡
家庄

宋寇準墓〔東都事略〕準貶雷州司戶叅軍太宗嘗得通天

犀命工爲二帶一以賜準及是準遣人取自洛中至數日具
朝服被帶北面再拜呼左右趣設臥具就榻而卒年六十三
詔許歸葬西京〔李通志〕墓在鞏縣西準沒於雷州詔許
歸葬西京卽此題其額曰旌忠〔施府志〕萊公墓在鞏西
南寇家灣蓋陪眞宗陵也

宋包拯墓〔東都事略〕拯拜禮部侍郎樞密副使終於位年
六十四贈禮部尙書謚曰孝肅〔施府志〕鞏西南后泉溝
有孝肅墓亦陪葬眞宗陵也

按舊志載有狄青曹

彬一〇俱無可考

元張恩墓〔李通志〕墓在鞏西南坊郭保恩安撫使 〔金

石考〕鞏縣有元清河郡侯張公神道碑至元六年歐陽元撰

元曹鐸墓〔墓碑〕鐸山東道宣慰司副使轉雁門關三邊總督至元十四年誥贈譙國公

按墓碑載鐸有勦賊功其卒也勅葬於永安東墓旁石器今多有存者舊志墓在魯村

元薄元亨墓〔墓碑〕亨以布衣授鹽鐵官至順十二年授隆

慶知州 舊志墓在趙封保

按舊志載有元安撫使邱君墓在羅口保知州薄墓在趙封保無墓碑可考附錄於此

近代冢墓附

明

薄仲深墓在趙封保

仲深知州

魏敏墓在坊郭保

敏通政使祀鄉賢

竇祥墓在坊郭保

祥御史祀鄉賢

劉思顏墓在黃冶

思顏嘉祥知縣

劉登墓在黃冶村

登參議祀鄉賢

趙成墓在白雲山蛾眉嶺

成明威將軍

馬隆墓在神堤保

隆提學副使

趙迎墓在稍柴務北

迎兵備僉事

張可久墓在坊郭保

可久永年知縣祀鄉賢

趙景星墓在蔡家庄

景星獻縣知縣祀鄉賢

張宏基墓在神堤保 宏基河陰教諭祀鄉賢名宦

姚若時墓在魯庄 若時鳳陽通判

霍景霽墓在芝田 景霽鴻臚寺丞

曹武墓在朱家河東原 武大倉副使

國朝

范芝墓在涉村 芝莊 □ 道

范蓋墓在涉村 □ 遵化知縣

張乾二墓在橫嶺 乾二通 □ 知縣

曹大先墓在白廟東原 大先新鄭訓導贈立林郎

孫祚隆墓在羅莊南 祚隆贈修職郎

謝統運墓在邙原楊家嶺 統運贈文林郎

康樞墓在石窟寺西南 樞贈修職郎

謝杰墓在邙原楊家嶺 杰深澤知縣

張昱斗墓在青龍山北 昱斗贈修職郎

康中掄墓在石窟寺南 中掄鄆陵教諭

孫汝工墓在羅莊南原上 汝工授修職郎

張鞏墓在縣南五里堡 鞏贈文林郎

曹鵬翊墓在白廟東原 鵬翊和平知縣

以上墓

寺觀

漢慈雲寺〔寺碑〕漢明帝時西僧摩騰竺法蘭創建〔施府志〕在青龍山內羣峰羅列石壁如削前人刻環寺五十二峰於石佛堂後爲二老談經峰取形似也自青龍山口入行數十里方抵寺幽僻 窈人跡罕到
後魏元領軍寺〔伽藍記〕京東石關有元領軍寺 〔施府志〕今鞏縣西洛水北有地名石關即伽藍記所謂京東石關也

隋栢谷塢寺〔名勝志〕栢谷塢在緱氏東北塢西有寺入谷數百步有佛像精巧美麗有牛舂馬簸水碓之利 〔施府志〕栢谷塢即今鞏縣西南之百峪也其地正在古緱氏東

北名勝志所謂塢西有寺者今百峪西休水水澗中有白雲寺者是土人在寺傍掘土有石幢一及隋開皇年號則寺建於隋矣考裴漼少林寺碑云隋開皇中有詔栢谷屯地一百頃賜少林寺蓋栢谷地屬少林又於栢谷建寺寺固少林寺僧所建也裴漼碑又云少林寺西北五十里有栢谷墅羣峯合 深谷逶迤複磴緣雲俯窺龍界高頂拂日傍臨鳥道居晉成塢在齊爲郡王世充僭號署曰轅州乘其地險以立烽戍太宗軍次廣武僧志操惠師抗表以明大順執充姪仁則以歸本朝太宗嘉其義烈頻降璽書宣慰賜地四十頃水碓一具卽栢谷莊是也名勝志所記牛舂水碓與裴 碑畧同

但以栢谷塢爲在偃師則因偃師志而誤也偃師志以栢塢爲在今緱氏東去少林太近不知所謂緱氏東北者古緱氏也於今爲滑城鞏縣百谷正在滑城東北去少林五十里與裴漣碑亦合

〔隋石窟寺〕〔方輿紀要〕寺在鞏縣西洛水北王世充與李密相持世充渡洛水過倉城爲營與密戰於石窟寺東 〔金石考〕鞏縣石窟寺卽淨土寺有兩石幢一爲唐開元十九年一爲後唐長興三年

宋羅漢寺〔金石考〕宋羅漢寺禪院碑天聖八年張觀奉勅撰〔施府志〕羅漢寺在牛山之南嵩山之北前有水東北

注羅卽白馬溪之源也羅水上流又有蒲池水注之蒲池水源有菩提寺碑字剝落不詳何代所建

金普安寺〔李通志〕寺在鞏縣治南金貞祐三年建明洪武中置僧會司於內

元玉晨觀〔淵鑑類函〕太洞玉經曰玉晨宮中有玉映之宮又有元君六淵之宮黃老圖華之宮上清真陽宮太極上宮主衆仙誦詠〔李通志〕觀在鞏縣西南元至治元年建〔施府志〕玉晨觀在鞏縣蘇村保〔舊志〕玉晨觀作玉宸明崇慶觀〔李通志〕觀在鞏縣南洪武十五年建置道會司

於內

鞏縣志卷之十六終